

Yesux Haok Piang Raoma



Lukax 24:36-53

Illustrations by Sweet Publishing <http://sweetpublishing.com/>

This work is licensed under the Creative Commons Attribution-ShareAlike 3.0 Unported License. To view a copy of this license, visit <http://creativecommons.org/licenses/by-sa/3.0/> or send a letter to Creative Commons, 444 Castro Street, Suite 900, Mountain View, California, 94041, USA.

Scripture passages are from the New English Translation

The introduction and study questions were developed by Michelle Miller and Pang Snta' to be used with an audience of elementary-age children or with new believers who have limited background knowledge of the Scriptures. The goal of the questions is to help people engage with the Bible stories through a discussion format. The questions in this guide may be freely adapted as deemed appropriate for a particular audience.

Translated to the Wa language by:

Yex Ka Lin

Ai Sang Awng


Edition : First edition

Date : September, 2015

Wa Scripture passages are from The Holy Bible in Wa (2012)

Puag Pua Pa Koe Plak Khaix


Kadaux been in, ex tag yaox grawng ot Yesux tau mai kawn cau khankix bawg ghoik piang hakiex in. Kadaux lai pa yuh kawn cau, ex tag yaox grawng ot Yesux tau mai kawn cau khankix 40 ngaix, khaix hoik kaoh im khaing krax yum. Ex jhak yaox, Yesux tawx riang rao kawn cau Tix son sang yum rhawm mai ang lai koe rhawm keud jee keud blaong ka grawng hoik deeh kaoh im Nawh.



³⁶ Yam kawn sikah kix grawh grawng ceu in khankix, tokaux Nawh Cao cung ka sinax kix mai ah nin ka kix, “Kieh pa nhim koe mai pex heue.” ³⁷ Viang mawh nan kix die lhat graung kah mai kix ce mawh yaox tix miang heue. 38 Nawh Cao baox ah nin ka kix, “Pex sung sang rhawm yuh ka mawx? Pex keud jee keud blaong daux rhawm tix yuh ka mawx?




³⁹ Jhak ka taix Aux mai caong Aux ha.
Mawh Aux heue. Giex ti yaox Aux, mawh
kheu miang ang koe nex ang koe si-ang, awm
pa yaox pex koe Aux.” ⁴⁰ Khaix hoik ah Nawh
Cao nan, Nawh jhi kix yaox taix tix mai caong
tix heue.




⁴¹ Yam kawn ang kix nyang yum rhawm,
kheu gaux rhawm mai daox deng tix, Nawh
Cao chawk kix ah nin, “Khex koe ceu pa ih
pex tin tix ceu ceu lie?”

⁴² Kix tawx kax tong tix siag, ka Nawh Cao,


⁴³ mai Nawh Cao teei ti ih sivoe kix heue.




⁴⁴ Nawn Cao baox ah nin ka kix, “Ceu in khankix mawh awm lox pa hoik krai Aux ka pex, yam kawn ot tau Aux mai pex, grawh grawng ceu in khankix khawmuik tak sang naog, pa hoik tiiem ti deuh grawh grawng Aux, ka daux lai been Mose mai daux lai cao jhai khankix mai daux lai yaogyaw heue.



⁴⁵ Yam an Nawh Cao paoh rhawm kix doh,
yuh ka mawx sonsang tawng kix dee bleeh
Phuk lai sigang khri heue. ⁴⁶ Nawh Cao baox
ah nin ka kix, “Hoik tiiem ti deuh, grawng Cao
Khrit tak kham geu mai deeh kaoh im khaing
krax yum daux loe singaix.



⁴⁷ Grawng tak sang sidiex gau grawh grawng pa sang doh keud ka phimap mai krax pluat ploi ka daux ceu kaux Aux, jah ka veng Yerusalem mai ka ceu pui khawmuik khawm leeing heue. ⁴⁸ Pex mawh pui pa kham mhai ruk grawh grawng ceu in khankix heue.




⁴⁹ Jhak heue, Aux sang ploi awm lox mukheu pa hoik tawx Keeing Aux, ka piang pex, mawh kheu nan pex ot ka daux veng in, tom pon ceep pex sibrawm khaing dee long heue.”

⁵⁰ Nawh Cao thong kix hu tom hoek dex yaong Betanix, Nawh yaog taix tix nawb buan ka kix heue.



⁵¹ Yam kawn nawb Naws Cao buan ka kix,
Naws Cao goih khaing kix mai viex Naws
haok ka piang raoma heue.



52 Kix krub ka Nawh Cao mai gaux rhawm
tix mai deeh ing ka veng Yerusalem heue.

53 Kix ot ka daux nyiex buan jheung
jheung mai yaogyaw Siyiex heue.

k. Deeh Thawk Theng

1. Gumlox pa ah Yesux ka kawn cau khankix bawg liang mawh pa tix?
2. Daux rhawm rhi kawn cau khankix koe yuh ka mawx yam yaox kix Yesux bawg liang?
3. Mawh kheu pa tix Yesux nhie kawn cau khankix hoek kiel Tix, son ang kix sang keud Nawh mawh miang?
4. Yesux paoh rhawm rhi kix son sang doh rhawm kix ka phuk lai sigang khri mai son sang pon yuh kix kaing. Yesux simie kix yuh kaing ceu pa yuh ka mawx?
5. Yesux nhie kawn cau khankix pau Tix daux veng Yerusalem son pa tix?
6. Yesux thung kawn cau khankix hu dee mawx khaix hoik sipub kix?
7. Yam Yesux nawb buan ka kawn cau khankix, lih tix yuh ka mawx?
8. Kawn cau khankix yuh pa tix khaix hoik haok Yesux meung raoma?

Kh. Krax Doh Rhawm Ka Been

1. Maix keud mawh kheu jao pa tix ka gumlox pa ah Yesux bawg liang ka kawn cau khankix, “kieh pa nhim koe mai pex heue.”?
2. Mawh kheu jao pa tix Yesux simie kawn cau khankix koe krax yum rhawm grawng ang Nawh mawh miang?
3. Yesux simie kawn cau khankix mawh sakse grawng pa tix?
4. Lox sijax mukheu pa tawx Keeing Cao mawh pa tix?
5. Mawh kheu jao pa tix Yesux simie kawn cau khankix pau siawp sibrawm khaing rao ma tom hoek ka piang kix?
6. Mawh kheu jao pa tix kawn cau khan kix naog mai krax gaux rhawm yam deeh ing ka veng Yerusalem?

g. Krax Pa Deeh Shiao Daux Ju Tix Khaing Been

1. Ex sang chix rieb pa nhim yuh ka mawx?
2. Viang ex agn chix giex ka Yesux kawx, mawh kheu jao pa tix ex yum rhawm ka grawng im ju Yesux?
3. Ex sang chix jhi sakse mawh Yesux pui mawx yuh ka mawx?

ng. Ceu Pa Rieb Gau Ex Khaing Been in

1. Yesux simie ex khawm uik yum rhawm ka grawng pa hoik deeh im Nawh, ang cu ex keud jee keud blaong.
2. Siyiex simie ti paoh rhawm rhi ex son sang tawng ex pa mawh pa meh Nawh awm pa koe daux Phuk Lai Sigang Khri.
3. Ex khawm uik mawh kawn cau Yesux, ex caw ti krai pui tang kaux mhong grawng can ceu pa hoik yuh Nawh khankix heue.
4. Maix pon rieb gau cu pa tix? Kawn koe lox chawk maix lie?

Baux Lai Pa Caw Ti Ci

Lukax 24:36 Yam kawn sikah kix grawh grawng ceu in khankix,
tokaux Nawh Cao cung ka sinax kix mai ah nin ka kix,
“Kieh pa nhim koe mai pex heue.”